

**Uunga siunnersuut: Inissianik attartortitsisarneq pillugu Inatsisartut peqqussutaata allanngortinneqarnera pillugu Inatsisartut inatsisaat nr. xx, xx.xxx 2020-meersoq (Inissianik attartortittakkanik oqoqalersimasunik nalunaarsuineq kiisalu suliffimmut atatillugu inissianik oqoqarsimasunik innersuunneqartunik itigartitsisinnaatitaaneq) (Ineqarnermut, Attaveqatigiinnermut, Aatsitassanut Naligiissitaanermullu Naalakkersuisumit saqqummiunneqartoq)**

**pillugu**

**Aningaasaqarnermut Akileraartarnermullu Ataatsimiititaliap**

**siunnersuutip aappassaaneerpeqarneranut**

**ISUMALIUTISSIISSUTAA**

Aningaasaqarnermut Akileraartarnermullu Ataatsimiititaliap suliarinninnermini ilaasortarai:

Inatsisartunut ilaasortaq Kristian Jeremiassen, Inuit Ataqatigiit, formand

Inatsisartunut ilaasortaq Anders Olsen, Siumut

Inatsisartunut ilaasortaq Charlotte Pike, Inuit Ataqatigiit

Inatsisartunut ilaasortaq Emanuel Nûko, Naleraq

Inatsisartunut ilaasortaq, Hans Peter Poulsen, Siumut

UKA 2021-imi ulloq 30. september siullermeerinninnerup kingorna ataatsimiititaliap siunnersuut misissorpaa.

### **Siunnersuutip imarisaa siunertaalu**

Aalajangiiffigisassatut siunnersuutit pingasut siornatigut akuersissutigineqarsimasut tunuliaqutara-lugit, allannguutissatut siunnersuut suliarineqarpoq:

- Qaammatip naanerani aningaaseriviit ulloq kingulleq ammasarfiini ineqarnermut akiliutit akilerneqartassasut (UKA 2016/60)
- Pisortat inissiaatileqatigiiffiisa attartortunngortussanut inissiamik neqeroornerminni inissiaq neqeroorutertik ukiut tallimat kingulliit iluini oqummik ajornartorsiuteqartoq paasineqar-simagaangat, attartortussanut nalunaartalernissaannik pisussaaffilerneqassasut (UKA 2019/45)
- Attartortut suliffimmut atatillugu inissaminnik tunineqarnerminni inissiami ukiut tallimat kingulliit iluini oqummik ajornartorsiuteqartoq paasineqarsimagaangat, attartortut inissiamik allamik tunineqarnissaminnik annaasaqaratik naaggaarsinnaalernissaat (UKA 2019/122)

Attartornermi akiligassap akilerneqarfissaa, inissianik attartortittakkanik oqoqalersimasunik nalu-naarsuineq kiisalu suliffimmut atatillugu inissianik oqoqarsimasunik innersuunneqartunik itigar-titsisinnaatitaaneq aalajangersakkat siunnersuummi pingaarnertut pineqarput, Namminersorlutik

Oqartussanit imaluunniit kommuninit inissiat pigineqartunut immikkoortortaqaarfiinut ingerlatsinermut akiliutit kiisalu inatsisartut peqqussutaanni oqaatsit atorineqartunut namminersornermullu inatsimmi aalajangersakkamut naapertuuttunngortitsipput.

### **Siunnersuutip Inatsisartunit siullermeerneqarnera**

Siunnersuut una inersuarmi partiinit tamanit taperserneqarpoq Sanaartornermullu ataatsimiititaliamit suliarineqartussanngorlugu ingerlatinneqarluni.

### **Tusarniaanermut akissutit**

Siunnersuut pillugu tusarniaanermut akissutit tiguneqarsimasut taakkunungalugu Naalakkersuisunit oqaaseqaatigineqartut siunnersuummut ilanngunneqarput. Naalakkersuisut oqaaseqaataat ataatsimiititaliamit tusaatissatut tiguneqarput. Ataatsimiititaliap siunnersuummik suliaqarnermini oqaaseqaatit naapertuuttumik annertussusilimmik siunnersuummik suliaqarnermini tulliuttumi ilannguppai.

### **Ataatsimiititaliap siunnersuummik suliarinninnera**

Siunnersuummit siunertarinqartoq imarisaalu Inatsisartunit tapersorsorneqartoq ataatsimiititaliamit maluginiarneqarpoq. Aalajangiiffigisassatut siunnersuut matumunnga inatsisissatut siunnersuummut aallaaviusoq pillugu ataatsimiititaliap siunnersuummi pineqartut ataasiakkaat pillugit ima oqaaseqarpoq:

Qaammatip naanerani aningaaseriviit ulloq kingulleq ammasarfiini ineqarnermut akiliutit akilerneqartassasut aalajangiiffigisassatut siunnersuutip UKA2016/60-ip akuersissutigineqarneratigut aalajangerneqarpoq. Siunnersuummi matumani aalajangiineq akuersaarneqarpoq.

Siunnersuutigineqartumi matumani aalajangersakkat ilaat taasissutissatut aalajangiiffigisassatut siunnersuutigineqartumi qulaani taaneqartumi ilanngunneqanngillat.

Inatsisissatut siunnersuusiortoqarnissaanut atatillugu uunga siunnersuummut ilanngunneqartussanik ullut 14-ikkaarlugit akissarsisartunut aaqqiissutaasinnaasunik periarfissarsioqqullugu taamani sanaartornermut ataatsimiititaliaasimasoq Naalakkersuisunut inassuteqarpoq. Taamatut paasinnilluni ataatsimiititaliap isumaqatigiittup aalajangiiffigisassatut siunnersuutip akuersissutigineqarnissaa inassutigaa. Aalajangiiffigisassatut siunnersuutip siuliani taaneqartup suliarineqarnerani, inissiamut akiligassanik kinguaattoorutinut appartinneqarnissaanissaanut periarfissaanissaa naatsorsuutaasimagaluarpoq. Siunnersuummi matumani aalajangersakkani § 38, imm. 2-ani, ilaatigut ima allassimasoqarpoq:

*”Ineqarnermut, imermut, kiassarnermullu akiligassat qaammammut naatsorsorneqaratik piffissamut allamut akilerneqartussatut naatsorsorneqartut, aningaaseriviit ulloq kingulleq ammasarfiini piffissamut pineqartumut siumoortumik akilerneqartassapput.”*

Nassuiaatini nalinginnaasuni assersuutigalugu piffissamut ullut 14-ikkaarlugit ineqarnermut, imermut, kiassarnermullu akiligassat akilerneqarnissaannik attartortitsisoq akileeqqussuteqarsinnaamat erseqqissaatigineqassaaq. Peqatigisaanik assersuutigalugu ullut 14-inut ineqarnermut

il.il. akiliuteqartarnissamik attartortoq piumasaqarsinnaanngitsoq siunnersuummut oqaaseqaatini aalajangersakkani ataasiakkaani allassimavoq.

Siunnersuutip aappassaaneerneqarnerani, § 38, stk. 2-mi aalajangersakkap, ullut 14-nikkaarlugit akissarsisartut akissarsinerminnut atatillugu qaammammut marloriarlutik inissiamut akiliinissamut periarfissaannut sunniuteqassanersoq Naalakkersuisunit naatsorsuutigineqarnersoq Naalakkersuisut akissuteqarfigissagaat ataatsimiititaliamit kissaatigineqarpoq.

Inisseeqqittarnermut aamma attartortitsiniapiloortarnermut aningaasartuutit inissianut immikkoortorta qarfinnut allanut pisortanit pigineqartunut attartortunut tutsineqartarpata inissianik attartortut aningaasaqarnerannik pitsaanerulersitsinngitsoq inissiallu pitsaanerulernerannik sunniuteqanngitsoq sanaartornermut ataatsimiititaliaasimasup oqaatigisaa siunnersuummi matumani aamma oqaatigineqarpoq.

Inissianik Namminersorlutik Oqartussanit kommuninilluunniit pigineqartunik, attartortitsiniarnermik ajornakusoortitsisoqartillugu, Namminersorlutik Oqartussanit imaluunniit kommunimit inissianut immikkoortorta qarfinnut ingerlatsinermit tapiissuteqartoqarsinnaanera § 32 b periarfissaavoq. Namminersorlutik Oqartussanit kommuninilluunniit pigineqartunut atorfilinnut inissianut attartortittakkanut atorfillip inissiamik innersuunneqartumik itigartitsineratigut, inissiat allamut attartortinneqannginnissaanut aalajangersagaq taamaallaat atuuppoq.

Siunnersuutip aappassaaneerneqarnerani pisortani atorfillit atorfimminnut atatillugu Namminersorlutik Oqartussanit kommuninillu pigineqartunik inissaminnik innersuunneqartartut atorfirmut atanngitsunik attartortunut allanut naleqqiullugit immikkut ittumik pitsaanagerusunik atugassaqartinneqarnissaannut apeqqut Naalakkersuisunit akissuteqarfigineqarnissaa ataatsimiititaliamit kissaatigineqarpoq.

Inissiaatileqatigiiffiit pisortanit pigineqartut inissianik innersuussinerminni ukiuni kingullerni tallimani inissiaq oqoqarsimanerannik inissianik attartortussanut ilisimatitsissuteqarnissamut pisussaatinneqassasut aalajangiiffigisassatut siunnersuutip UKA2016/45-ip akuersissutigineqarneratigut aalajangerneqarpoq. Aalajangiiffigisassatut siunnersuut taamatut iluseqartillugu akuersissutigineqarpoq Naalakkersuisunit itigartinneqarnissaa inassutigineqartut. Siunnersuummi matumani, § 32 a, stk. 1-mi aalajangiineq tamanna akuersaarneqarpoq.

Siunnersuummi aalajangersakkat ataasiakkaat pillugit oqaaseqaatini attartortussanut ilisimatitsinissamik pisussaaffik inissiap attartortittakkap innersuunneqarnerani pisassasoq naatsorsuutigineqarpoq.

Oqoqarnerata kingunerisaanik inissiaq attartortittagaq nutarterneqarsimappat, oqoqarnerata kingunerisaanik inissiaq attartortittagaq nutarterneqarsimappat, inissiarlu attuumassuteqanngitsumit paasisimasalimmillu misissuinikkut oqoqarunnaarsimasutut uppernarsarneqarsimappat oqoqarunnaartutut nalunaarsortariaqanngitsoq siunnersuummi § 32 a, stk. 2 imaqarpoq.

Peqatigisaanik atorfilinnut inissiat kisimik nalunaarsorneqarnissaat pillugu Naalakkersuisut malittarisassanik aalajangersaasinnaasut § 32 a, stk. 3-mi siunnersuutigineqarpoq.

Siunnersuutip aappassaaneerneqarnerani pisortani atorfillit atorfimminut atatillugu Namminersorlutik Oqartussanit kommuninillu pigineqartunik inissaminnik innersuunneqartunik inissianik attartortunut allanut naleqqiullugit aammaarluni immikkut ittumik pitsaanerusunik atugassaqartinneqarnissaannut apeqquut Naalakkersuisunit akissuteqarfigineqarnissaa ataatsimiititaliamit kissaatigineqarpoq.

Naalakkersuisut tamatumunnga tunngavilersuutaannut tunngatillugu inissianik matumani attartortunik assigiinngisitsisoqarnera naapertuuttuunersoq aammattaaq apeqquataalerpoq.

Aalajangiiffigisassatut siunnersuutip matuma akuersissutigineqarneranut atatillugu imaluunniit taamani ataatsimiititaliap isumaliutissiissutaani, atorfilinnut inissianut nalunaarsuineq kisimi atuutissanersoq uppernarsarneqanngitsoq eqqaamaneqassaaq.

Siunnersuummi § 20 a naapertorlugu Namminersorlutik Oqartussanit pigineqartut, assersuutigalugu Illuut A/S, inissiaq pillugu nalunaarsuisussaataitanermut pisussaaffeqartunut ilaatinneqanngitsoq aalajangersakkanut ataasiakkaanut oqaaseqaatini aamma takuneqarsinnaavoq. Ataatsimiititaliaq isumaqarpoq attartortut tamarmik assigiimmik pineqartariaqartut.

Atorfilik ukiuni kingullerni tallimani oqoqarsimasumik inissiamik innersuunneqarnermini inissiamik allamik innersuunneqarsinnaanermik annasaqanngikkaluarluni itigartitsisinaasoq, aalajangiiffigisassatut siunnersuutip UKA2016/122-p akuersissutigineqarneratigut aalajangerneqarpoq. Aalajangiiffigisassatut siunnersuut taamatut iluseqartillugu akuersissutigineqarpoq. Aalajangiiffigisassatut siunnersuummi atorfilinnut inissiat kisimik pineqarput.

Siunnersuutip aappassaaneerneqarnerani, ukiut tallimat pineqarnerani qaammatisiutitit malillugit ukiut tallimat pineqarnerisut imaluunniit piffissat tallimat qaammatinik aqqaneq marlunnik sivilissusillit pineqarnerisut Naalakkersuisunit akissuteqarfigineqarnissaa ataatsimiititaliamit kissaatigineqarpoq. Sanaartukkat nutaat oqoqannginnerat qanoq ililluni qulakkeerneqartarnissaat pillugu apeqquut Naalakkersuisunit aamma akissuteqarfigineqarnissaa ataatsimiititaliamit kissaatigineqarpoq.

Siuliani taaneqareersutut siunnersuummi matumani aalajangersakkat ataasiakkaanut oqaaseqaatini takuneqarsinnaavoq, assersuutigalugu Namminersorlutik Oqartussat pigisaat, Illuut A/S, nalunaartussaataitanermut ilaatinneqanngitsoq, tk. siunnersuutip § 20 a.

Siunnersuutip aappassaaneerneqarnerani tamanna atorfillit, §§ 11, 12, 15, 16 aamma 17 naapertorlugu, Namminersorlutik Oqartussanit kommuninillu pigineqartunik, soorlu Illuut A/S-itut ittunut atorfillit inissamik innersuunneqartannginnissaannik peqquteqarnerisut Naalakkersuisunit akissuteqarfigineqarnissaa ataatsimiititaliamit kissaatigineqarpoq. Taamaallilluni atorfillit atorfimminut atatillugu Namminersorlutik Oqartussanit kommuninillu

pigineqartunik inissaminnik innersuunneqarnerminni soorlu Illuut A/S-imit innersuussi-soqarnerani itigartitsisinnaappat?

**Pisortanut aningaasaqarnikkut allaffissornikkullu kingunerisassat.**

Ukiuni kingullerni tallimani sanaartortut (håndværkere) INI A/S-imit akiligassiissutaat misissuinissamut aningaasartuutissat, 9 mio. kr.-nit missaanniittut saniatigut, siunnersuummi matumani aningaasatigut kingunerisassai pillugit naliliisoqarsinnaanngitsoq Naalakkersuisut isumaqarput. 2019-ip kingornatigut aningaasatigut kingunerisassai pillugit paasissutissanik nutaanerusunik pissarsisoqarsimanersoq ilisimatitsissutigineqanngilaq. Aningaasartuutit inis-sianut akiliutinit matussuserneqarnissaat Naalakkersuisunit naatsorsuutigineqarpoq. Maannakkut tunngavissat tunngavigalugit ataatsimiititaliaq allatut naliliinissaminut tunnga-vissaqarsorinngilaq.

**Ataatsimiititaliap inassuteqaatai**

Siunnersuut akuerineqassasoq ataatsimiititaliap isumaqatigiittup inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.

---

Kristian Jeremiassen  
siulittaasoq

---

Anders Olsen

---

Charlotte Pike

---

Emanuel Nûko

---

Hans Peter Poulsen